

Umwana Punda



Lindiwe Matshikiza



Meghan Judge



Agnes Chileshe Chibamba



3



IciBemba

bem



Umukashana umunoono ewabalilepo ukumona
icintu cileisa akatalamukila.



Ilyo ico cintu cafikile mupepi, aamwene ukuti ni namaayo uwali pabukulu.



Nangu umukashana aali ne nsoni alishipile no kupalama mupepi na namaayo. "Tufwile twamusunga uyu namaayo," efyalandile abantu. "Tulemusunga bwino no mwana wakwe."



Papatafye akashita kanoono umwana aba munshila.
"Sunka!" "Leeta amalange!" "Ameenshi!"
"Suunkaa!!!"



Nomba ilyo baamwene umwana, bonse batolokela
kunuma mu kusunguka. "Punda?"



Bonse baatampile ukupaashanya. “Twacitila tulesunga umwana na nyina bwino, kanshi efyo twalacita,” efyo abantu bamo basosa. “Nomba bakatuletela ishamo!” efyo bambi baasosele.



Efyo nomba namaayo aisangile eka na kabili.
Taishibe ifyakucita no mwana wa musango uyu.
Taishibe ifyakucita umwine.



Panuma aasuminafye ukuti umwana aali mwana wakwe elyo nao ali ni nyina.



Nomba nga cakuti umwana taaleekula, alifye umunono, fyonse nga fyalifye bwino. Lelo uyu punda alikulile saana icakuti aleka ukukumana mu numa yaba nyina. Elyo nangu eshe shani, ificitwa fyakwe tafyali fya buntu. Inshita yonse banyina baleebafye ne cifukushi kabili abanaka. Limo-limo baaleemupeela incito sha nama.



Punda alifye awakalipa, taishibe ifyakucita kabili
aatampile ukumfwa icifukushi. Teti acite icili conse.
Teti abe ifili fyonse. Alifulilwe saana icakuti,
ubushiku bumo, alipantile banyina bapona na
panshi.



Punda alyumfwile insoni. Aatampile ukubutuka ukuya ukutali saana.



Ilyo Punda alekele ukubutuka, ninshi nakufiita, taishiibe uko aali. "Hee haw?" efyo aitootoosha mumfifi. "Hee Haw?" aumfwa iciunda. Ali eka. Aipeta, apona na mutulo utwinetwine utwamalangulushi.



Punda ukubuuka asanga shikulu-bantu uo
ashaishibe aleemulolesha. Alolesha mu menso
yakwa shikulu-bantu amona ukuti kuti
amwafwilisha.



Punda aile mu kwikala na shikulu-bantu,
uwamufundile inshila sha kwikalilamo ishingwi.
Punda aaleumfwa no kusambilila, shikulu-bantu
nao wine aaleesambilila. Baleyaafwana no kusekela
pamo.



Ubushiku bumo, shikulu-bantu aipwishe punda ukumusenda pa muulu wa lupili.



Pa muulu mu makumbi basendama. Punda aalotele
ukuti banyina nabalwala kabili balemwita. Ilyo
abukile...



... asangile amakumbi nyaluba pamo no
munankwe, shikulu- bantu.



Panuma Punda alishibe ifyakucita.



Punda aasangile banyina, beka baleeloosha
umwana uwalubile. Baliloleshanya akashita akatali.
Elyo bakumbatana saana.



Umwana Punda na banyina balikulila pamo elyo kabili balisanga inshila ishingiri ishakwikalilamo bwino pamo. Panoono-panoono, bonse ababashinguluka, na balupwa balitampa ukwikala bwino.





Storybooks Zambia

storybookszambia.net

Umwana Punda

 Lindiwe Matshikiza

 Meghan Judge

 Agnes Chileshe Chibamba

